



Samewirkende Limburgse Vastelaovesvereniging

Versjlaag uëver 't verenigingsjoar 01-04-2019 t/m 31-03-2020

Doelsjtelling

De doelsjtelling van de SLV is 't in sjtand haote en bevordere van de vasteloavend es uting van leëvende volkskultoeer en folklore in Limburg en doadurch ee beidrage levere aan 't kultoeereel en maatsjappelik leëve in ós provincie; dit mit respek vuur de egeheëd van de durch de lidvereniginge plaatsjelijk beoefende Vasteloavend.

Dit wilt de SLV bereike durch 't bevordere van de óngerlinge samewirking, 't versjtevige van de óngerliggende bank, 't oetrike van óngersjeiinge, 't samewirke mit anger organisaties en 't óptreëne es uëverkoepelend orgaan.

Lidvereniginge

De Samewirkende Limburgse Vastelaovesvereniginge weëde gevurmd durch ziëvetieën vereniginge, de groeëte, traditierieke sjtadvastelaovesvereniginge va Limburg. Dizze vereniginge voldoeë aa de criteria zoe-wie die zint vasgelag in de sjtatute. Dizze ziëvetieën vereniginge zint:



de Aanhawwersj oet Meersje,
de Baeker Pottentaote oet Baek,
't Bombakkes oet Gennepe,
Burgerlust oet Egelse,
't C.C.H. oet Gebrook,
de Flaarisse oet Gelaen,
V.V.G. Jocus oet Venlo,
de Kirchraötsjer Vasteloavends Verain
oet Kirchroa,
de Marotte oet Zittert,
de Mirlitophile oet Valkeberg,
V.G. D'n Oeles oet Tegele,
de Piëlhaas oet Venroj,
de Rogstakers oet Wieërt,
de Steinder Bök oet Stein,
de Tempeleers oet Mestreech,
d'n Uul oet Remunj
en de Winkbülle oet Heële.

Besjermheer van de SLV is de
Gouverneur van ós Provincie,
d'n heer Theo Bovens.



Pos

In 't verenigingsjoar 2019-2020 zint mit de papiere pos 53 sjtukke binnegekómme en 79 sjtukke versjik. Uëver de mail zint 146 posstjukke binnegekómme en 72 mails es benuëdigd antwoad gesjik.



Mailverkier mit de vereniginge en 't besjtuur hat inkómmend 1053 kieër plaatsjgevónge en 778 mails zint oetgegange.



't Besjtuur hat ee groepsapp woarmit sjnel gesjakeld kint weëde. Doamit zint in 't aafgelope seizoen 1063 berichte gesjik.

Via de website va de SLV woare 12 berichte binnegekómme en 10 beantwoad.

Besjtuur SLV

't Besjtuur besjteet oet:

- Raymond Vlecken: president
- Paul Göttgens: sikkertaris
- Frits Dirks: penningmeister
- Max Ruiters: ceremoniarius
- Bart Faassen: lid
- Jan Stroek: lid.



't Besjtuur vergaderde moandeliks mit oetzundering va de moande juni en augustus.

Extra bei-eekómste zint geweë mit 't besjtuur en óch individule besjtuurslede in vuurbereijing va de Gulden Humor i Baek mit de Baeker Pottentaote.

't Igeplande uëverlek uëver de Gooden Narrenkap mit inkele lede va de Broedersjap, De Tempeleers as aafgevaardigde va de vereniginge en 't Bombakkes as organisator va de Gooden Narrenkap 2020 dat igepland woar vuur d'r 26^e meëts i de Harmoniezaal i Linne, is neet durchgegange vanwege 't Coronavirus.

Algemeine Ledevergaderinge woare er óp 23 september i Gebrook en óp 9 december i Venray. De joarvergadering woar óp 20 mei i Baek.

Óp zamsdig d'r 3^e fibberwaar höbbe vier i Baek helaas aafsjeid genómme van ósz Ierebesjtuurslid Frits Mennens.



In 't aafgelope verenigingsjoar zint óch veer lerelede gesjtórve:

Óp d'r 17^e juli Henk Ramakers va de Aanhawwersj.

Óp d'r 11^e oktober Wim Frings va KV Burgerlust.

Óp d'r 1^e november Naad Imkamp va D'n Uul.

En óp d'r 18^e meëts Huub van Ool va D'n Uul.

Óngersjeiinge

In dit verenigingsjoar is vöal gebroek gemak va vuurdrachte vuur óngersjeiinge.

In 't seizoen zint 11 Orde va Verdeenste oetgerik (De Burgemeister va Baek, VG D'n Oeles, D'n Uul, De Marotte, De Aanhawwersj, VV De Rogstaekers, De Mirlitophile, KVV, CCH, De Steinder Bök en HVV De Winkbülle). 3 Kier ee Zilveren Buut (De Baeker Pottentaote, CCH en KVV) en 6 kier ee Hoesorde.

NEG

't Congres va de Närrischen Europäischen Gemeinschaft woar 't aafgelope joar i België i Eupen. Ee gevarieerd program en goode vergaderinge. Dizze NEG-Jahrestagung woar óp d'r 27^e en 28^e september.

Óp d'r 15^e november hat de NEG vanoet Liveke de Bronsgroene Leeuw óntvange óp d'r Limburgse Dag. 't woeëd touwgekant as waardering vuur de maneer woaróp de NEG al 50 joar de Carnavalsbonde va Europa same bringt.



De NEG besjtóng i 't seizoen 2019-2020, 50 joar.

Doaneve woar Aachen Kulturhauptstadt va Europa en woar er óp zóndig d'r 12^e jannenaar ee sjoeëne beieekoms i 't Roadhoes va Aachen woa inkele besjtuurslede aawezig woare.



Externe kontakte

't Besjtuur va de SLV wil geer mieë bei de vereniginge kómme. Dat is gebuëd durchdat 't besjtuur dit combineerde mit 't oetrike van Ordes gekoppeld aa ee evenemint.



KVL i Heel, 't LVK i Ech woa vier óch i de jury plaatsj hant genómme, en 't Knoevelemint va de Provincie woa vöal SLV-vereniginge woare. En vier woare aawezig bei d'r Närrischer Empfang der Tollitäten i Aachen óp carnavalsvriedig, d'r 20^e fibberwaar.

De 11^e va de 11^e i 't MECC, de Limburgse Daag i Borgloon va Liveke, de neujoarsóntvangs va de Provincie, de Buuttekampioensjappe in Remunj, 't Prinseoetropie bei CCH i Gebrook, 't 5 x 11-joarig jubileum va de BCL, 't jubileumweekend va 't LVK, de presentatie va de vasteloavesposter i Wijlre, de 55^e Diesviering va de NUL i Mestreech, 't



Same mit John Prevo va KV Burgerlust zint er dit seizoen SLV-vaane gemak. Alle vereniginge hant 2 vaane aafgenómme en ze weëde good gebroek bei evenemente va de vereniginge en óch as 't besjtuur va de SLV aawezig is.



Doaneve zint i Gebroek de Jubileumbeuk oetgerik óp d'r 23^e september. Tevens zint de beuk oetgerik aa de veiligheidsregio 't zuje en 't noarde. Zint beuk noa de sjponsore gegange, noa de Provincie en gegeëve aa vereniginge die 't via de website höbbe aagevraag.

Óch hant vier alle vereniginge va de BCL ee book oetgerik óngerwiel de ALV va de BCL óp d'r 9^e oktober woa vier te gast woare. Óch de bibliotheek va Mestreech hat twee beuk gevraag.

Gulden Humor Laureaat

Óp goonsdig d'r 29^e mei woar 't besjtuur va de SLV same mit Vors Erik Voncken va de Baeker Pottentaote i Mestreech um d'r laureaat Thijs Brand te verrasse.



En dat woar 't: ee echte verrassing. D'r Jan Smeets houw mit ee sjmoes Thijs noa boete gehaald. L1 woar erbei en hat 't live op L1 gebrach.



D'r daag va de Gulden Humor

Dizze daag woeëd óp zamsdig d'r 30^e november i Baek gehoate. De Baeker Pottentaote howwe good oetgepak. 't Woar inne fantastische daag.

Noa de óntvangs en welkomswöad ging 't ganse gezelsjap noa parochiekirk St Martinus woar de oetreiking van de Orde va de Gulden Humor plaatsjvóng.



Thijs Brand en echgenote Ineke zoote i ee koetsj. D'r woar óch ee Brand Beer vaatewage oet Amsterdam gekómme. De laudatio woeëd oetgesjproke en de Orde va de Gulden Humor woeëd oetgerik aa Thijs Brand mit de beibehuërende oorkonde. Heë dankde vuur disze geweldige ier.

's Oavends woar i de Mondial ee groeët fieës. D'r zaal woar prachtig verseerd en 't gong tot i de nach durch. I ee aparte ruimte woar de meugelikheid um de laureaat te felicitere.

Sjponsore

Sjponsore zint noeëdzakelijk vuur 't vuurbesjtoan van ee vereniging. 't Is muilik sjponsore te vinge en d'r penningmeester is same mit de rest va 't besjtuur óp zeuk noar nuie sjponsore. Enkele name zint al gevalle en zulle benaderd weëde.

't Besjtuur hat ee sjponsorfolder loate make um sjponsore te benadere.

Óp goonsdig d'r 19^e fibberwaar zint taarte gebrach noa de sjponsore.

Dank aa Boels Rental, Brand Bierbrouwerij, Kemit, Thetru en Wiertz Company vuur de óngersjteuning.



Letsendlich

't Is ee herhaling elk joar, mer 't woar alwer dudelig ee seizoen mit ee lach en ee troan. 't Hool ós bewus va de betrekkelikheed va 't leëve. Evvel 't blief geneëte va al wat binne ósze vereniginge gebuëd en doa heure noe eemoal ee lach en ee troan bei.

Vier blieve ós izette um same mit de lidvereniginge de Limburgse Vasteloavend i sjtand te hótte as cultureel erfgoed va ósze Provincie.

Heële, april 2020, Paul Göttgens

Geakkordeerd te Mestreech op maondig d'r 21^e september 2020

Raymond Vlecken, *president*

Paul Göttgens, *sikkertaris*

